

Solidariteit Helpende Hand
100-punt-Gemeenskapsherstelplan
– Hooffokus

Maatskaplik gebaseerde gemeenskapsontwikkeling

met HART, in KRAG, tot HOOP
– so verseker ons volhoubare voorspoed



SOLIDARITEIT HELPENDE HAND
DEEL VAN DIE SOLIDARITEIT BEWEGING

Solidariteit Helpende Hand

Maatskaplik gebaseerde gemeenskapsontwikkeling
Met hart, in krag, tot hoop – so verseker ons volhoubare voorspoed

Wie Solidariteit Helpende Hand is

Solidariteit Helpende Hand is verbonde aan die Solidariteit Beweging en bied maatskaplike ondersteuning en ontwikkeling aan gemeenskappe met 'n Afrikaner-kultuur. Die instansie is geskoei op die beginsels van die eerste Helpmekaarbeweging wat na die 1914 rebellie gestig is met die fokus op help, saam en ons om voorspoed in gemeenskappe te verseker.

Helpende Hand begrend sy werksaamhede op 'n Christelike perspektief en beginsels en gee erkenning aan die individu in sy gemeenskap.

Helpende Hand se doel

Helpende Hand fokus op roepingsgedrewe individue in gemeenskappe. Die beste helpende hand was nog altyd die een aan die punt van jou eie arm, daarom is Solidariteit Helpende Hand se doel om mense te help om hulself te help. Elke gemeenskap word gemobiliseer om self verantwoordelikheid te neem om hulle instellings te bevorder sodat lede van die gemeenskap mekaar kan help. Hierdie strategie word ook uitgebeeld in Helpende Hand se embleem van 'n hand: Dis nie 'n bedelhand of gebalde vuus nie, maar 'n helpende hand. Dit is gerig op ons kwesbare groepe en beklemtoon die volhoubare voorkoming en verbreking van maatskaplike probleme en die bevordering van welstand. Deur opleiding en ontwikkeling verseker ons voorspoed, sodat die individu in sy gemeenskap sy volle potensiaal op fisiese, sosio-emosionele, kulturele en geestelike welstandsvlakke kan bereik.

Ons gemeenskapsherstelplan word op die volgende kernelemente van gemeenskapsontwikkeling geskoei:

- Maatskaplike ondersteuning aan die individu en gemeenskap
- Vir die gemeenskap, deur die gemeenskap
- Fokus op die ontwikkeling/opheffing/opleiding van gemeenskapslede

Visie

Solidariteit Helpende Hand wil deur maatskaplik gebaseerde gemeenskapsontwikkeling die selfontwikkeling van die mens in sy gemeenskap, en die ontwikkeling van die gemeenskap as geheel, bevorder.

Missie

Om maatskaplik gebaseerde gemeenskapsontwikkeling in gemeenskappe te bevorder deur volhoubare ontwikkelingsprogramme en -projekte, opleiding, netwerkvorming en



Ons Gemeenskapsherstelplan

met HART, in KRAG, tot HOOP

hulpbronontginning, sodat mense deur hul gemeenskap gedryf word tot ontwikkelde, selfstandige, verantwoordelike en optimaal funksionerende persone, wat gesonde, goed funksionerende gemeenskappe tot gevolg het. Die uitkoms moet 'n toekoms wees waarin die Afrikaner-kultuurgemeenskap vry, veilig en voorspoedig kan wees.

Helpende Hand se fokusgroepe

Helpende Hand fokus op die volgende kwesbare groepe, maar nie net op hulle nie:

- Kinders
- Gesinne
- Persone met gestremdhede
- Ouer persone

Welstandskomponente

Kultuur

Werk

Geestelik

Sosiaal

Intellektueel

Finansieel

Emosioneel

Fisiese gesondheid

Omgewing

100-punt-Gemeenskapsherstelplan-Hooffokus

Algemeen

1. Deur maatskaplik gebaseerde ontwikkeling, veral opleiding, fokus ons op volhoubare verbreking en voorkoming van maatskaplike problematiek.
2. Ons ontwikkelingsprogram fokus op "werksyn" eerder as welsyn. Ons trotseer uitdagings. Ons sal self vir mekaar.
3. Ons glo aan 'n gemeenskap wat self-werk en self-help bevorder deur hul gemeenskapshulpbronne te mobiliseer.
4. Elke persoon word erken en gehelp om binne sy vermoë en gawes sy potensiaal te bereik.
5. Gemeenskappe word in staat gestel om hulself te mobiliseer/organiseer. Deur 'n Gemeenskapsanalise/-studie word gemeenskapslede se sterkpunte/potensiaal na vore gebring sodat hulle weer hul waarde kan ontdek.
6. Verhoudings met netwerkvennote soos die Solidariteit Beweging word uitgebrei en versterk om meer hulpbronne te bekom.

Navorsing en ondersteuningsprogrammel-projekte

7. Ons neem die verantwoordelikheid om die organisasie se maatskaplike doelwitte deur navorsing te bevorder.
8. Deur oplossings vir maatskaplike kwessies op navorsingsresultate te baseer, kan ons beter prioritiseer en volhoubare programme ontwikkel.
9. Volhoubare programme en projekte word aangepak om fisiese, sosio-emosionele, finansiële, kulturele, geestelike en ekologiese welstand en voorspoed te bevorder en te verseker.

Gemeenskapstrukture

10. Gemeenskappe se krag word ontgin deur hulpbronne te benut om sterk strukture te skep, netwerke te bou en fondse te werf.
11. Die ondersteuning van bestaande takke en dorpsverteenvoerders is vir ons van groot belang.
12. Die volgehoue werwing en behoud van passievolle ondersteuners en taklede en die stigting van nuwe takke sal geprioritiseer word.
13. Ons sal ons personeel en ons takke rig om gesamentlike doelwitte na te streef.
14. Die riglyne en werkswyses vir takke sal integriteit en etiese optrede bevorder.
15. Met die ankergemeenskapstrategie sal ons hulpbronne en netwerkverhoudings fasiliteer.
16. Ons beoog om in elke ankergemeenskap 'n gemeenskapsentrum daar te stel. Dit kan 'n Ons Plek en 'n Ons Sentrum insluit, volgens die behoeftes wat deur navorsing bepaal is.
17. Nasionale takke bevorder bewusmaking van aktuele kwessies en Helpende Hand se doelwitte op nasionale vlak.
18. Samewerking tussen kerke en die gemeenskap word deur die Helpende Kerke Kongres en Helpende Kerke-ontbyte bevorder.

Ons Gemeenskapsherstelplan met HART, in KRAG, tot HOOP

19. Die maatskapliediensteplatform diens@helpendehand.co.za en -webtuiste www.helpendehand.co.za lewer vinnige, doeltreffende diens.

Kommunikasie

20. Solidariteit Helpende Hand se kommunikasie en webblad is noodsaaklik om die organisasie se beeld met trots uit te dra.
21. Met ons e-mandaat sluitaan.co.za kan die publiek direk by Solidariteit Helpende Hand aansluit.
22. Effektiewe stelselprosesse verseker spoedige dienslewering aan ons ondersteuners.
23. Datasekuriteit word streng volgens die POPI-regulasies toegepas.
24. Ons toep op IOS en Android dra by tot goeie kommunikasie en help om nuus per selfoon onder ons ondersteuners te versprei.

Projekte vir kleuters of skoolgaande leerlinge

25. Ondersteunende en terapeutiese dienste word aan kleuters en skoolgaande leerlinge gebied deur Ons Sentrums en Ons Plekke.
26. Die streeks- maatskaplike werkers en streeksorganiseerders se noue samewerking met kleuterskole, skole en naskoolsentrums in die gemeenskap is van groot waarde om volhoubare verandering te bring.
27. Die Bemagtig-'n-kind-fonds word aangewend om kinders wat weens omstandighede behoefte is op 'n volhoubare manier te ondersteun en te bemagtig.
28. Met die Kosblikkie-projek ontvang kleuters daagliks 'n voedsame ete wat voordelig is vir hul groei en ontwikkeling.
29. Die HelpJag-projek dra by tot die Kosblikkie-projek deur die kinders se dieet met proteïene aan te vul.
30. Die Skooltassie-projek het ten doel om behoeftige graad 1-leerders toe te rus met die nodige skryfbehoeftes om hul skoolloopbaan op 'n gelyke vlak met ander leerders te begin.
31. Die #HelpHetta-projek spreek dogters se behoeftes op 'n holistiese wyse aan deur hulle te ondersteun in hul reis na gesonde vroue in die samelewing.
32. Die DROOMROK-projek moedig gemeenskappe aan om aandrokke te skenk, sodat dogters spesiale geleenthede op 'n bekostigbare wyse kan bywoon.

Projekte vir vroue

33. Die FroueVonds en die Susanna Smit Studiefonds bou vennootskappe om vroue op te lei tot optimale ontwikkeling en selfstandigheid.
34. Die opleiding in tuisversorging skep geleentheid vir ontwikkeling en werksgeleenthede.

Projekte vir ouer persone

35. Seniors-in-Aksie is 'n professionele program wat maatskaplike werkers vir vrywilligers aanbied, sodat hulle ouer persone se fisiese, geestelike en emosionele welstand kan help bevorder.

Ons Gemeenskapsherstelplan met HART, in KRAG, tot HOOP

36. Die HelpHoor-projek poog om gehoorapparate wat deur gemeenskapslede geskenk is aan geskikte aansoekers te voorsien, met die oog op die verbetering van hul lewenskwaliteit.
37. Die katarakchirurgieprojek bied 'n geleentheid vir ouer persone om teen geringe koste die nodige chirurgie te laat doen.
38. Deur die Breinaald-projek word gepoog om die gemeenskap se betrokkenheid by die gestruktureerde stimulering van ouer persone te verhoog.

Projekte vir persone met gestremdhede

39. Deurlopende opleiding van ons taklede om organisasies te ondersteun word in die vooruitsig gestel.
40. Die Nasionale Tak vir Gehoorgestremdhede bevorder die bewuswording van gehoorgestremdhede.

Die Studiefondssentrum

41. Gemeenskapstudiefondse sal in takke en streke bevorder en versterk word.
42. Bestaande studiefondse sal versterk word, nuwe -fondse sal gestig word en testamentêre bemakings sal uitgebou word, om voorsiening te maak vir die toename in aansoeke.
43. Studente se betrokkenheid by projekte in gemeenskappe sal aangemoedig en bevorder word om afgestudeerde studente lojale ondersteuners van Solidariteit Helpende Hand te maak.

Ons Winkels

44. Ons Winkels gaan help om 'n groter finansiële bydrae tot die volhoubaarheid van ons projekte en afdelings te lewer.
45. Ons Winkels wil ook die gemeenskap dien deur bekostigbare produkte te verkoop, en deur werkskepping en opleidingsgeleenthede te skep.

Finansies

46. Die finansiële afdeling dra die verantwoordelikheid om Solidariteit Helpende Hand finansiëel gesond te bestuur, sodat die nodige dienste gelewer kan word en gemeenskapsontwikkeling in streke, en veral in ankergemeenskappe, kan plaasvind.

Solidariteit

47. Weens Solidariteit Helpende Hand se noue verbintenis met Solidariteit sal ons voortgaan om Solidariteit-lede en -ondersteuners met nuwe fokus fisies, sosio-emosioneel, kultureel en geestelik te ondersteun.